

Volksschwank

Der Bauer und der Professor

Dar is mal 'n Buurn weiß, dee is mit 'n Föhr Holt to Stadt. Un do verköfft he dat eers op een Sted' un naher op 'n anner Sted' un kriggt sien Holt je duwwelt betahlt. Do högt he sick je, wat he eenmal för 'n kloken Mann is.

Nu sitt dar Studenten vor 't Weertshuus, de drinkt dar Beer. Do seggt he to de Studenten: »Jungs«, seggt he, »nu seggt mi mal, wo geiht dat eenmal to, dat ji hier in de Stadt so lang' nah Schol gähn möt? Wilk vun juu hebbt je all örontli so
5 'n bäten Bartwarks ünner de Nes'. Bie uns«, seggt he, »op'n Dörp'n, wenn de Jungs kunfermeert sünd, denn sünd se dar je mit liekut, mit dat öl Quälkram.«

»Ja«, seggt de Studenten, »in de Stadt, dar möt se mehr lehrn äs op'n Lann'. Darför sünd se denn uk je so veel klöker naher.«

»Och, ji grön'n Bengels«, seggt he, »wat ji juu inbild't! Ick bün klöker äs ji. Ich bün noch klöker äs juun Professor.«

10 Oho, seggt se un lacht, denn schall he man mal mitkam'n nah ehr'n Professor; denn schall he dat wull to sehn kriegen.

»Ja, man to!« seggt de Buur.

De Studenten drinkt ehr Beer je ut, un de Buur geiht mit ehr.

As se bie den Professor sien Huus kaamt, do geiht de een Student eers mal rop un seggt den Professor Bescheed, dat dar 'n Buurn is nedd'n, dee will klöker wesen äs he is.

15 Ja, denn schüllt se man mal mit em rop kam'n, seggt de Professor.

As de Studenten mit den Buurn rin kaamt, »na«, seggt de Professor to em, »und Sie wollen klüger sein als ich?«

»Ja, dat bün ick uk«, seggt de Buur.

»Ja, wollen wir mal fünf Taler wetten?« seggt de Professor.

»Ja, man to!« seggt de Buur.

20 De Professor leggt fif Daler op 'n Disch, un de Buur sett dar fif Daler gegen.

»Na«, seggt de Professor, »dann sagen Sie mir mal, wie hieß Jesus seine Mutter?«

»Dee hett Maria heeten«, seggt de Buur.

»Ja, die Frage war zu leicht«, seggt de Professor, »ich will Ihnen eine andere vorlegen.«

»Nee, holt puß!« seggt de Buur. »Nu bün ick an de Reehg'. Nu segg'n Se mi mal, wo hett mien öl Grotmöhmi heeten?«

25 »Ja, mein lieber Mann, wie kann ich das wissen?«

»Ja, dat heff ick je seggt«, seggt de Buur, »ick bün klöker äs Se. Mien Grotmöhmi heet Else Katrin, un de teihn Daler sünd mien.« Un darmit raakt de Buur sick dat Geld vun'n Disch, un datut de Dör herut.

(430 words)

Quelle: <https://www.projekt-gutenberg.org/antholog/schwaenk/chap55.html>